

նկարներով, կազմը բաղկացած է ծանր փայտի տախտակներից, 27×21 սմ., և պատած է մա-
րոկոյի կաշվով: Կտրվածքը 8 սմ հաստությւն ունի: Մեջքն ունի հինգ կողեր: Առաջին երեսը
գրեթե ամբողջովին զարդարված է ոսկեզօծ նկարներով և ունի 5 շրջանակ, որոնցից յուրաքան-
չյուրը մյուսից բաժանվում է կրկնակի զծով: Այս շրջանակների մեջ եղած հարթությունը լցված
է բազմաթանկ զարդարանքներով: Մեջտեղում կա ձվաձև մեղալիոն, որտեղ փորագրված է
խաչված Քրիստոսը՝ կույս Մարիամի և Հովհաննեսի միջև: Խաչի վերևում կան ծանոթ գրերը՝
Հ. Ն. Ք. Հ. խաչը կանգնած է J. H. S. տառերի վրա: Հետևի կազմը ևս գրեթե նույն ձևով է
զարդարված. մեղալիոնում Մարիամ կույսը պատկերված է կիսալուսնի վրա նստած: Քրիստոսը
խաչված վիճակում պատկերող մեղալիոն մենք հանդիպում ենք նաև մի այլ հայերեն գրքի
առաջին և հետևի կազմի վրա: Դա գտնվում է Ամստերդամի համալսարանական գրադարանում
և պրոֆ. Մակլերի կողմից այսպես է նկարագրվում. «(Վեհ հավատ... Կ. Պոլիս, տպարան
Մահանսի Աստվածատուրի, 1773) in 4° 660 էջ. Տպագրիչի հիշատակարան, 1660 էջ: Գրքի
կազմը փայտից, ամբողջովին հորթի կաշի, երկու երեսին էլ ոսկյա զարդարանքներ, մեջքի վրա
ծաղկազարդեր: Երկու երեսի վրա՝ «խաչելությունը» Յ. Ն. Ք. Հ. խորագրերով և երկու ճարմանդ:
Վերևի երեսում՝ «Ալեքսանդր Դ. Ի. Մասն»:

Փարիզի Աստվածաշնչի կազմի կտրվածքները, իմ կարծիքով, զարդարված են ինչպես
հարկն է արժանի կերպով: Ոսկեզօծ մասերի վրա կատարված են զանազան գունավոր նկար-
ներ: Ներքևի կտրվածքի վրա, ի միջի այլոց, կա մի կնոջ նկար միանձնուհու հագուստով, երկու
ձեռքերով բռնած մի թաշկինակ, որի վրա նկարված է Քրիստոսի զուլսը: Ըստ պրոֆ. Մակլերի,
այս նկարը սուրբ Վերոնիկային չէ որ պատկերում է իր քրտինք-թաշկինակով, այլ ավելի շուտ
հիշեցնում է Նոբսիայի թագավոր Արգարի մասին եղած վաղեմի այն ավանդությունը, ըստ որի
նա ուներ այն թաշկինակը, որի վրա դրոշմված է եղել Քրիստոսի դեմքը...

Պարզ է, որ Մագնուսը այս աշխատանքի համար ճշգրիտ հրահանգներ է ստացել Ոսկան
եպիսկոպոսից: Գուցե և նա հենց նկարներ է ստացել, որոնց նա պետք է վերափոխեր:
Բացի դրանից այս պատկերները, իհարկե, լրացնում են մեր գիտելիքներն այն երեւելի ար-
վեստի մասին, որով նկարներ էին դնում գրքերի կտրվածքների վրա: Հայտնի է, որ այս ար-
վեստը Մագնուսի աշխատանքում կիրառվում էր հատուկ գերադասումով:

1666 թ. հայերեն Աստվածաշնչի մեր մատնանշած այն օրինակի համար, որը գտնվում է
Վեյդենի համալսարանական գրադարանում—ըստ պրոֆ. Բիվանքի, նույնպես Ալբերտ Մագնուսն
է կազմ պատրաստել: Այս կազմը ևս բաղկացած է ամուր տախտակներից 27×21 սմ չափով,—
որեմն նույն չափի է, ինչ Փարիզի Աստվածաշնչինը,—ծածկված է հորթի կաշվով և ներկված է
այնպես, որ կրիայի վահանի է նմանվում: Կտրվածքը մոտավորապես 8,5 սմ հաստությւն ունի,
մեջքն ունի 5 կողեր: Կազմի երեսների զարդարանքները բաղկացած են երկու շրջանակից,
որոնցից յուրաքանչյուրը բաղկացած է տերևներից ու ճյուղերից կազմված մի զլանից, ուղիղ
զծերի արանքներում կան թռչնիկներ. այդ զծերը իրենց հերթին, զարդարված են կողային զան-
նեքով: Կտրվածքները պարզապես ոսկեզօծված են և ոչ թե փորագրված կամ նկարված:

Այժմ մնում է ինձ նշել Ոսկանի հավական Աստվածաշնչի երրորդ պահված օրինակի մա-
սին: Այս օրինակը ևս ունի ամուր փայտի տախտակներ, ծածկված հորթի շաղանակազույցի
կաշվով, նույնպես 27×21 սմ չափով: Թե՛ առաջին և թե՛ վերջին երեսները ամուր կնքված են
և զարդարված արևելյան ֆիգուրներով: Կտրվածքներն ունեն 8,5 սմ հաստությւն և հինգ կող:
Ամբողջ առաջին երեսի վրա կա մի մեծ խաչ, որը բաղկացած է կրկնակի զծերից, արանքնե-
րում նույն արևելյան ֆիգուրները: Այս Աստվածաշնչի երեք կտրվածքներն էլ զարդարված են
ծաղիկներով և տերև-ճյուղերով: Չնայած նշված Աստվածաշնչինը այնպես հարուստ կազմ
չունի, ինչ ունեն Փարիզի և Վեյդենի օրինակները, այնուամենայնիվ մենք մեզ երջանիկ պիտի
համարենք, որ այս օրինակը ևս պահված է մինչ այսօր: Հասկանալի է, որ այս աշխատության
մեջ մենք գտնում ենք այն բոլոր նկարազարդումները, ինչ մենք տեսանք նախորդ երկու աստ-
վածաշնչերի մեջ: Դեռ ավելին, այն զեղեցիկ տառերը, որոնք հավանաբար Ոսկանը վերցրել է
իր եղբայր Ավետիսից և որոնք գուցե փորագրել պատրաստել է Քրիստոֆել վան Դելլը, թեև
իսթայիի հնությունների տանը (Ամստերդամ, Սինգել ջրանցքի շրջան). նրա սեփականատերը
ինձ պատմեց, որ այդ աշխատությունը սխալ վաճառվի Ամստերդամի գրադարանին:

Այժմ Ոսկանի Աստվածաշնչի երրորդ օրինակը բարեբախտաբար գտնվում է Ամստերդամի

7 Ոսկանի տպագրած Աստվածաշնչի շատ օրինակներ պահվում են Հայաստանի տարբեր
գրադարաններում: